

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

- प्रधानमंत्री नरेंद्र मोदी हों आखेआ जे कोई बी ताकत जम्मू-कश्मीर च दफा 370 गी परतिए बहाल नेई करी सकदी।
- विधानसभा विं बीजेपी दे विधायकें गी मार्शलें आसेआ सदन थवां बाहर कीता गेआ। विधानसभा स्थगित, बीजेपी विधायकें असेंबली थमां बाहर मॉक असेंबली लाई।
- सोपोर च होए दे इक टाकरे च 3 आतंकवारी मारे गए।
- वीडिजी मिम्बरें दियां लौथां बरामद कीतिआं गेइयां। आतंकवादिएं गी फगइने लेई किशतवाइ च अभियान जारी।

<><><><><><>

PM-Article 370

प्रधानमंत्री नरेंद्र मोदी हों कांग्रेस दी अगुवाई आहले इंडी ब्लॉक पर जम्मू-कश्मीर थमां संविधान गी बाहर रखने दी मंशा रखने आस्तै इल्जाम लाया ऐ ते कन्नै साफ कीता ऐ जे दुनिया दी कोई बी ताकत धारा 370 गी बहाल नेई करी सकदी। उनें कांग्रेस पार्टी पर कुसा इक जाति गी दुइएं कोला अग्गे रखने आस्तै बी इल्जाम लाया ते लोकें गी इकजुट रौने आस्तै सावधान कीता। प्रधानमंत्री हों आखेआ जे एक हैं तो सेफ हैं। नवंबर च होने आहले विधानसभा चुनाएं आस्तै महाराष्ट्रच अपनी पैहली चुनावी रैली गी संबोधित करदे होई मोदी हों आखेआ जे इंडी गठबंधन खाली किताबें गी दस्सिए संविधान दे नां पर गुमराह करा'रदा ऐ जिस करी दलित ते आदिवासी

उक्साए जा'रदे न। प्रधानमंत्री होरें आखेआ जे अगर अनुसूचित जातियां, अनुसूचित जनजातियां ते दुई पिछड़ी जातियां इकजुट ऐन ते कांग्रेस दी राजनीति खत्म होई जाग।

<><><><><><>

Mock-Assembly

जम्मू-कश्मीर विधानसभा दे त्रीए रोज बी हंगामा जारी रेआ। विशेष दजे दे प्रस्ताव पर बीजेपी सदस्यें विरोध प्रदर्शन कीता ते औहदे मगरा स्पीकर नै 12 विरोधी विधायकें ते लंगेट दे विधायक शेख खुर्शीद होरें गी विधानसभा दा बाहर कीता। अज्ज दिनें दी कार्रवाई दी शुरूआत च बीजेपी विधायकें पाकिस्तानी एजेंडा नेई चलेगा दे नारे लाए। बीजेपी विधायकें सदन दे बश्कार आइए नारेबाजी रखी। स्पीकर अब्दुल रहीम राथर होरें मार्शलें राएं उनेंगी सदन शा बाहर कीता। एहदे मगरा दुए 11 बीजेपी दे विधायकें बी सदन थमां वॉकआउट कीता। पिछले 2 दिनें थमां विधानसभा च ऐसा गै हंगामा दिक्खने गी लब्बा'रदा ऐ। खास दर्जे दा प्रस्ताव पारित होने मगरा बीजेपी विधायक जोर-शोर कन्ने विरोध प्रदर्शन करा'रदे हे। उपमुख्यमंत्री सुरिंद्र चौधरी होरें मंगलवारें प्रस्ताव गी पेश कीता हा जेदे च आखेआ गोआ हा एह विधानसभा खास दर्जे ते संवैधानिक आश्वासन दी महत्वता च पूरा विश्वास जतांदी ऐ जेड़ा गै जम्मू-कश्मीर दे लोकें दी पंछान, संस्कृति ते हकें दी रक्षा करदा हा। एहदे च आखेआ गोआ जे विधानसभा केंद्र गी जम्मू-कश्मीर च खास दर्जा बहाल करने आस्तै गल्लबात शुरू कराने आसतै आखी दी ऐ।

<><><><><><>

Assembly-BJP

भारतीय जनता पार्टी ने अज्ज विधानसभा दे लॉन च मॉक सेशन लाया। बीजेपी दे किश मिम्बरें गी विधानसभा थवां मार्शलआउट कीता गोआ ते किश नै वॉकआउट करी दिता। एह लोक विशेष दर्जा परताने बारे पारित प्रस्ताव खिलाफ प्रदर्शन करा रदे हे। बीजेपी दे विधायक विधानसा दे लॉन

च किट्ठे होए। उनें विशेष दर्जे गी गैर कनूनी ते असंवैधनिक करार दिता। बीजेपी नै आखेआ जे माँक असेंबली नेशनल कांफ्रेंस आसेआ सदन गी Hijacked करने खिलाफ बरोध गी दर्शाना ऐ।

<><><><><><>

BJP-Udh.

भारतीय जनता पार्टी दी उधमपुर इकाई नै होरनें दुइए सियासी ते गैर सियासी एजेसिएं कन्ने अज्ज इक व्यापक तौर पर विरोध प्रदर्शन कीता। एह बरोध एन.सी-कांग्रेस दी सरकार आसेआ दफा 370 गी परतिए बहाल करने बारे पास कीते गेदे प्रस्ताव खिलाफ ते बीजेपी दे एमएलए कन्ने होई दी बदसलूकी ते किश्तवाड़ च वीडिसी मिम्बरें दी हत्या दे खलाफ हा। प्रदर्शनकारिएं मुख मंत्री उमर अब्दुल्ला ते पाकिस्तान खलाफ नारे लाए। उनें प्रदेश सरकार ते पाकिस्तान दे पुतले बी फूके। प्रदर्शनकारिएं पाकिस्तान खलाफ सख्त कार्रवाई करने दी मंग कीती। इस मौके पर बोलदे होई बीजेपी दे जिला प्रधान अरूण गुप्ता होरें आखेआ।

<><><><><><>

Army-Chief Western

सेना प्रमुख जनरल उपेंद्र द्विवेदी होरें चंडी मंदर पंचकुला च पच्छिम कमान दे सदर दफ्तर दा दौरा लाया ते कमान दी कारकरदगी सरबन्धी तैयारिएं दा जायजा लैता। अपने दौरें दौरान जनरल द्विवेदी होरें गी अधिकारिएं महत्वपूर्ण जानकारी जियां प्रशिक्षण, कारकरदगी, मौजूद समान, प्रशासनिक गतिविधिएं बारे अवगत कराया। सेना कमांडर होरें चला रदे बलें दे नवीनीकरण ते नीतिगत सुधारें दी महत्वता पर जोर पाया। उनें वरिष्ठ सेना अधिकारिएं गी वैश्विक भुगौलिक राजनीतिक विकास बारे जागरूक रोहने आस्तें आखेआ तां जे मौजूद खतरें कन्ने निब्बड़ने आस्तें सेना दी तत्परता ते तैयारिएं च मजबूती लेयांती जाई सकै।



Mangotra

मगोत्रा बरादरी दी सालाना मेल 14 नवंबर गी देव स्थान बुआ रानी चौआदी च लग्गोग। इस दौरान पूजा ते हवन होग ते फही भंडारे दा सरिस्ता कीता जाग। मगोत्रा बरादरी समिति दे अध्यक्ष होरें बरादरी दे लोके गी अपील कीती ऐ जे इस मेल च शामिल होन ते बुआ रानी दा आशीर्वाद हासिल करन।



ते हुन बाकी दिएं खबरे कन्नै श्रुति खजूरिया।

Sopore

उत्तरी कश्मीर दे बारामूला जिले दे सोपोर इलाके च सुरक्षा बलें इक टाकरे दौरान 2 आतंकवादिएं गी मारी मकाया ऐ। कश्मीर जोन पुलस दे प्रवक्ता मूजब इलाके च आतंकवादिएं दी मौजूदगी बारे थोई दी टकोहदी सूह पर कार्रवाई करदे होई सुरक्षाबलें आसेआ कल रातीं सांझे तौर पर तपाशी अभियान चलाया गेआ। जियां गे सुरक्षा बल आतंकवादिएं दे छप्पने आहली थाहर कश पुज्जे तां छप्पे दे आतंकवादिएं सुरक्षाबलें पर गोलियां चलाना शुरू करी दिता जेदा सुरक्षाबलें आसेआ परता दिता गेआ। टाकरे आहली थाहर थवां असला बरूद बी बरामद कीता गेआ ऐ। आतंकवादिएं दी पंछान ते उंदा किस गुट कन्नै सरबंध ऐ औहदे बारे पता लाया जा'रदा ऐ। अभियान अजे जारी ऐ ते होर ब्यौरे गी बलगेआ जा'रदा ऐ।



J&K VDC Members Killed

जम्मू कश्मीर च अज्ज किश्तवाड़ जिले दे जंगली इलाकें च आतंकवादिएं ग्रा रक्षा समिति वीडीसी दे 2 सदस्ये गी अगवाह करिये उंदी हतेया करी दिती। मारे गेदे वीडीसी सदस्ये दी पंछान नजीर अहमद ते कुलदीप कुमार दे तौर पर कीती गई ऐ। जम्मू कश्मीर दे मुखमंत्रर उमर अब्दुल्ला ते नैशनल कांफ्रेंस दे अध्यक्ष डॉ. फारूक अब्दुल्ला होरें इस हमले दी निंदेया कीती ऐ। उपराज्यपाल मनोज सिन्हा होरें बी आतंकवादी हमले दी निंदेया कीती। उपराज्यपाल होरें नसीर अहमद ते कुलदीप कुमार गी श्रद्धांजलि भेंट कीती ते सारे आतंकी संगठने दा खात्मा करने दा सरकार दा संकल्प फही दोहराया।

<><><><><><><>

Kishtwar-PSA

जिले च अपराधिणं कन्नै सख्ती बरतदे होई सेही कन्नू बवस्था, लोकें दी सुरक्षा गी पक्का करने दे मकसद कन्नै जिला मजिस्ट्रेट किश्तवाड़, राजेश कुमार शवन होरें 5 खतरनाक अपराधिणं पर पीएसए लाया। आकाशवाणी जम्मू संवाददाता नै दस्सेआ जे जम्मू-कश्मीर लोक सुरक्षा कन्नू 1978 दे प्रावधान हेठ पकड़े गेदे अपराधिणं च सिगड़ी भाला थमां मोहम्मद अब्दुला गुज्जर, काकरवांगन थमां नुरुदिन, त्रंगी, डच्चन थमां गुलाम नबी चोपान, नट्टास, इल थमां मोहम्मद जफ्फर ते दंगदुरु, डच्चन थमां मोहम्मद रमजान शामिल न। पीएसए तैहत गिरफ्तार कीते गेदे अपराधिणं दे देशविरोधी ते समाज विरोधी कम्में च शमूलियत रेही ऐ। इनेंगी गिरफ्तार करने आस्तै वारंट जारी कीते गे ते एसएसपी गी इंदी पालमा करने आस्ते आखेआ गेआ।

<><><><><><><>

India-Russia

रूस दे राष्ट्रपति व्लादिमीर पुतिन होरें इस गल्ला पर जोर पाया ऐ जे भारत ते रूस दहाके थवां इक दुए दे सहयोगी ते सांझेदार न। सोची च वल्दाई चर्चा क्लब गी संबोधित करदे होई पुतिन होरें

आखेआ जे दौनें मुख्यें बशकार सब्बनें क्षेत्रें च सहयोग बदा रदा ऐ। राष्ट्रपति पुतिन होरें सलाना 7 अशारिया 4 फीसदी दी जीडीपी वृद्धि दर कन्नै भारत दे आर्थिक नेतृत्व दी सराहना कीती। उनें भारत दी आजादी दौरान सोविचत संघ दे समर्थन गी चेता करदे होई आखेआ जे एहदे कन्नै दौनें मुख्यें बशकार खास तौर पर मजबूत ते भरोसेमंद सरबंध बने न। भारत दी बड्डी आबादी तैहत आर्थिक विकास ते समृद्ध सांस्कृतिक विरासत पर पुतिन होरें आखेआ जे भारत दुनिया दी महाशक्तिएं च जगह पाने दा हकदार ऐ।

<><><><><><>

EAM

विदेश मंत्रालय नै सोशल मीडिया पर प्रसारित उस जापन गी फर्जी दस्सेआ ऐ जेदे च दावा कीता गेआ ऐ जे भारतीय दूतावासें दा इस्तेमाल पच्छम च आतंकवादिएं गी संगठित ते सिखलाई देने लेई कीता जा'रदा ऐ। जापन च आरोप लाया ऐ जे भारत सरकार चरमपंथिएं दा मुकाबला करने आस्तै अपने वाणिज्य दूतावासें गी महत्वपूर्ण शक्ति दे तौर पर विकसित करा रदा ऐ।

<><><><><><>

NAS-Udh.

नेशनल अचीवमेंट सर्वे राष्ट्री उपलब्धि सर्वेक्षण-एन.ए.एस 2024, जेड़ा गै स्कूली छात्रें दी शिक्षा च उपलब्धिएं बारे जानकारी कट्ठी करने आला बड्डे पैमाने पर कीते जाने आहला आंकलन ऐ, 4 दिसंबर 2024 गी शुरू कीता जाग। एहदे सरबंध च जिला शिक्षा प्रशिक्षण संस्थान डाइट उधमपुर नै 1 दिन दी कार्यशाला दा आयोजन कीता जेदे च इस सर्वेक्षण गी करवाए जाने बारे जानकारी दिती गई। जमात त्री, पंजमी ते नौमी आस्तै 4 दिसंबर गी मतेहान लैते जाडन तां जे पूरे देश दे कन्नो-कन्नी जम्मू-कश्मीर च बी शिक्षा दे स्तर दा पता लाया जाई सकै। प्रिंसीपल डाइट उधमपुर भारत भूषण होरें मती जानकारी दिंदे होई आखेआ।

<><><><><><>